

## ՎԱՆԻ 1915 ԹՎԱԿԱՆԻ ՀԵՐՈՍԱՄԱՐՏԸ

Պատմ. գիտ. դոկտոր Ա. Ս. ՀԱՄԲԱՐՅԱՆ

1915 թ. գարնանը, երբ երիտթուրքերի կառավարությունը սկսեց հայ ժողովրդի ցեղասպանությունը Սամանյան կայսրության մեջ, տեղի ունեցան հայերի ինքնապաշտպանական մի շարք կռիվներ Արևմտյան Հայաստանում և Կիլիկիայում: Առաջինը զենքի դիմեց Վանի-Վասպուրականի հայ բնակչությունը, ցուցաբերելով անօրինակ հերոսություն և կազմակերպվածություն:

Դեռ 1914 թ. օգոստոսի վերջերին Վանի կուսակալի պաշտոնում նշանակելով իր դաժանություններով հռչակված Զևեդ բեյին<sup>1</sup>, երիտթուրքերը հրահանգեցին նրան՝ կոտորել ու ոչնչացնել Վան քաղաքի և ամբողջ վիլայեթի հայ բնակչությունը: Զևեդ բեյը խստացրեց հալածանքները հայերի նկատմամբ և մի շարք գավառներում ձեռնամուխ եղավ նուանց կոտորածներին: 1915 թ. ապրիլի սկզբներին նա աղդես պաշարել էր Վանը և այնպես էր օղակել հատկապես Այգեհստանը, որ «թուշունն անգամ չէր կոնար անցնիլ...»<sup>2</sup>:

Հայերն ամեն կերպ փորձեցին մեղմել իրավիճակը, բայց ապարդյուն: Նրանց համար հարցն աղդես պաշար էր. կամ պետք է լուռ ու հնազանդ բնաջնջվեին, կամ պայքարեին ու պահպանեին իրենց դոյությունը: Ուրիշ ելք չկար. նվճարանք ընտոեցին վերջինը: Ինքնապաշտպանության գործը ղեկավարում էին տարբեր կուսակցությունների ու հոսանքների ներկայացուցիչներ՝ Առամ Մանուկյանը, Արմենակ Նկարչյանը, Գաբրիել Սեմերջյանը, Կայծակ Առաքելը, Բուղարացի Գրիգորը, Հրանտ Գալիկյանը, Փանոս Թերլեմեզյանը:

Ապրիլի 5-ին կազմվում է «Վասպուրականի հայ ինքնապաշտպանության զինվորական մարմին», որին կից շուտով ստեղծվում են նրան ենթակա ստորաբաժանումները՝ տեղեկատու դիվանը, հաշվառման խումբը, զինաբաշխ մարմինը: Հերոսամարտի ընթացքում հիմնվում են նաև հայթայթիչ, պարենավորման, կարմիր խաչի, զենքերի մթերման ու մատակարարման խմբերը, Վասպուրականի հայ կանանց միությունը, ոստիկանական վարչությունը, քաղաքապետարանը, դատարանը և այլն: Դրանց բոլորի ստեղծումն ավարտվում է հերոսամարտի «երրորդ օրը...»<sup>3</sup>, այսինքն՝ մինչև ապրիլի 10-ը:

Թշնամու դեմ պայքարի դուրս եկան Վանի ամբողջ հայությունը՝ ծերերն ու երիտասարդները, պատանիներն ու երեխաները, տղամարդիկ ու կանայք, ձեռնարկատերերն ու բանվորները, արհեստավորներն ու առևտրականները, մտավորականներն ու պաշտոնյաները: Փ. Թերլեմեզյանը գրում էր. «Վանի հայությունը... համոզվեց, որ թուրք կառավարությունը վճռել է ամբողջովին բնաջնջել մեր ցեղը: Ուրեմն կովելն անխուսափելի դարձավ»: Նա «չուղեց իր վիզը դնել թուրքական յաթաղանի դիմաց և վճռեց կովել: Որովհետև հերոսա-

<sup>1</sup> Զևեդ բեյի դաժանություններն ու եղեռնագործությունները հասնում էին այն աստիճանի, որ նա պաշտում էր մարդկանց: Դրա համար էլ Վասպուրականի բնակիչները նրան անվանում էին «նալբանդ կայմակամ» (տե՛ս Հայաստանի պետական պատկերասրահ, հուլիս-հոկտեմբերյան բաժին, ֆ. 30, ինվենտար 423, թ. 420, Փանոս Թերլեմեզյանի հուշերը. այսուհետև՝ ՀԳՊ):

<sup>2</sup> «Վարագ», բացառիկ՝ նվիրված Մեծ եղեռնի և Վանի հերոսամարտի 50-ամյակի տարեդարձին, 1915—1965, էջ 107 (հրատարակության տեղն ու թիվը չեն նշված): Օ ն. Մ խիթարյան. Վանի հերոսամարտը. Սոֆիա, 1930, էջ 37:

<sup>3</sup> ՀԳՊ, ֆ. 30, ինվ. 423, թ. 411:

կան կյանքը թե՛ պատվավոր և թե՛ պարտավորիչ էր»։ Վանեցիները գործում էին՝ «ղեղ կանգնի, գերան կկոտրվի» համոզմունքով։ «Այդ գերան կոտրող դյուղը, աշտինքն՝ ժողովուրդը, առանց բացառության կովի էր կանգնել»։

Մի այլ առիթով Փ. Թերլեմեզյանը նշում էր, որ հերոսամարտը «բացարձակ ժողովրդակալական պատերազմ էր», որ դա «այս ու այն կուսակցությանը և անհատներու վերագրելը հիմնովին թյուրիմացություն մ'է. ամենքն իրենց բաժին աշխատանքն ունեցան և ուս ուսի կովեցան։ Պատիվ այդ անընկճելի ժողովրդյան, որ հայի պատիվն ու մեր կյանքն աղատեց»<sup>4</sup>։

Ինչ ուժեր ունեին կովող կողմերը։ Վանի բնակիչները հիմնականում արհեստավորներ և առևտրականներ էին։ Ձեռնարկատերերն ու բանվորները ղեռ փոքրաթիվ էին։ Կային ավելի սակավաթիվ մտավորականներ, պաշտոնյաներ, հողատերեր և այլ զբաղմունքի մարդիկ։ Պատերազմի նախօրյակին քաղաքն ուներ մոտ 41 հազ. բնակիչ, որից 23 հազարը՝ հայ, իսկ 18 հազարը՝ մահմեդական։ Վանը բաժանվում էր երկու մասի. մեկը կոչվում էր Քաղաքամեջ, իսկ մյուսը՝ Ալգեստան։ Նրանք իրարից հեռու էին 5—6 կմ, և այդ տարածքում ապրում էին մահմեդականներ, գերազանցապես թուրքեր։ Ալգեստանն ուներ 20 հազար, իսկ Քաղաքամեջը՝ 3000 հայ։ Ընդհանուր բնակչությունը առաջինում կազմում էր 37000, երկրորդում՝ 4000 մարդ<sup>5</sup>։

Ջևղեթ բնյն ուներ 6000 զինվոր կանոնավոր զորքից, 5000—6000 համիդեական քրդեր և այլ ուժեր, 12 լեռնային ու ծանր հրանոթ, բազմաթիվ հրացաններ ու փամփուշտներ։ Իսկ հայերն ունեին 800 զինվոր, որից 400-ը հրացաններով, իսկ մնացած 400-ը՝ մաուզեր-ատրճանակներով<sup>6</sup>։ Նրբ թիմարից, Հայոց Ձորից և այլ վայրերից հայերը, փրկվելով կոտորածներից, նահանջեցին դեպի Վան, զինվորների թիվը մեծացավ, հասնելով 1053-ի։ Աճեց նաև հրացանների ու ատրճանակների թիվը, կազմելով համապատասխանաբար 505 և 549։ Այնուամենայնիվ թշնամու ուժերի համեմատությամբ զորանք աննշան էին։ Անբավարար էր նաև հայերի փամփուշտների պաշարը։ Նրանք ունեին 74824 հրացանի և 39089 ատրճանակի փամփուշտ<sup>7</sup>։

Ահա այդպիսի խիստ անհավասար ուժերով էին բախվելու հակառակորդները, մեկը կոտորելու, բնաջնջելու մտադրությամբ, իսկ մյուսը դիմադրելու, գոյատևելու և ապրելու հաստատ վճռականությամբ։

Ապրիլի 5-ին Զինվորական մարմինը հղեց երկու կոչ, մեկը՝ Ալգեստանի հայերին, որի մեջ ասվում էր. «Մեր նամարս թշնամիի անհանդուրժելի պահանջներուն տեղի տալը անկառելի ըլլալով և մանավանդ դառն փաստերով համոզված ըլլալով, որ նա իր հայաջինջ դիվային ծրագիրը անպայման իրագործելու է, ուստի, հակառակ մեր խաղաղասիրական ջանքերուն և զգացումներուն, պարտավորվեցինք ակամա կովի ասպարեզ դուրս գալ, պաշտպանելու համար մեր ազգային գոյությունը, շխնայելով մեր արյան վերջին կաթիլը»<sup>8</sup>։

Կոչերից մյուսն ուղղված էր Ալգեստանի թուրքերին և կրում էր «Թուրք հայրենակիցներ» վերնագիրը։ Նրանում ասվում էր, որ արյունոտ լուսա-

<sup>4</sup> ԶՊՊ, ֆ. 30, ինվ. 423, թ. 405, 407, 412։ Փ. Թերլեմեզյանը գրում է, որ հերոսամարտի նախօրյակին, երբ իրեն հայտնեցին, որ «դուք ընտրված եք զինվորական ժամանակավոր կառավարության անդամ», «ես, իհարկե, ուրախությամբ ընդունեցի այդ առաջարկը։ Անմիջապես վրձիններս փակեցի տուփիս մեջ և նրանց փոխարեն հրացանս վերցնելով՝ վազեցի կենտրոն և սկսեցի կատարել պարտականություններս հանդեպ իմ անիրավի ժողովրդին, դի ես ապրում էի և ապրում եմ նրա հետ և նրանով»։

<sup>5</sup> Ա. Դարբինյան. Հայ ազատագրական շարժման օրերեն (հուլիս 1890-ին 1940). Փարիզ, 1947, էջ 326։

<sup>6</sup> ՏԵՄ Ա-Դ ո. Մեծ դեպքերը Վասպուրականում 1914—1915 թթ., Երևան, 1917, էջ 222։ Ա. Դարբինյան. նշվ. աշխ., էջ 272, «Վարագ», բացառիկ, էջ 118։

<sup>7</sup> ՏԵՄ Ծ ն. Մխիթարյան. նշվ. աշխ., էջ 65։

<sup>8</sup> ՏԵՄ Վասպուրական. Վան-Վասպուրականի սուրբիլյան հերոսամարտի տասնհինգամյակի առթիվ, 1915—1930. Վենետիկ, Ս. Ղազար, 1930, էջ 30։

<sup>9</sup> Օ ն. Մխիթարյան. նշվ. աշխ., էջ 54։

կալը ուզում է կռվեցնել մեզ և քաղաքը լողացնել վանեցիների արյան մեջ: Գիտեցեք, ոտ նա օտադ մարդ է, այսօր կա, վաղը՝ չկա: Իսկ մենք և դուք Վանի մշտական բնակիչներ ենք, ապրել ենք անվրդու՜լ, բարի հարևանությամբ և կապ-րենք խաղաղ: Եթե դուք լսեք կուսակալին, «երկու ազգերուն միջև ահարկու անդունդ մը բանալուն օգնած կըլլաք»<sup>10</sup>: Ուստի զանց առեք Զեդեթ բեյի գործակալների քարոզները, մի ընկեք նրա լարած թակարդը: Եղել են ժամանակ-ներ, որ մենք ենք օգնել ձեզ, այժմ դուք, գոնե ձեր շեղծություններ, օժանդակեցե՜ք մեզ: Այդ կոչի նշանակությունն այն եղավ, որ Վանի թուրքերը շմասնակցեցին կռիվներին<sup>11</sup>:

Ապրիլի 6-ի գիշերը Զինվորական մարմինը հրավիրեց կռվող ուժերի բոլոր ղեկավարների խորհրդակցություն և գոտեպնդեց նրանց օրհասական պայքարի համար: Ոգևորիչ էր հատկապես Գրիգոր Բուլղաղացու ճառը: «Ընկերներ,— ասում էր նա,— հասել է ռուպեն, ոտ մենք վերջնական հաշվեհարդար կատարենք մեր դարավոր թշնամու հետ... Մեռ առջև կանգնած է մեռ թշնամին, ու անհամեմատ ուժեղ է մեզանից, բայց նրան պակասում է այն բաղդական ուժը, որ մենք ունինք. դա՛ մեռ մեռնելու պատրաստակամությունն է: Մեզ համար ուրեմն այս կռիվը մեկ նշանաբան պիտի ունենա— մեռնել միայն մեր դիրքերի վրա: Քաջությամբ պիտի կռվինք և մեր մահը սուղ նստեցնենք թշնամուն: Մեր ընտանիքի պատիվը պահանջում է մեզանից, որ թշնամին մեր դիակների վրայից անցնելուց հետո մեր օճախները ոտք դնի... լավագույնն է սեփական մահը տեսնել, քան սիրելիների խողխողումներն ու անպատվությունը... եթե ամեն մեկ զինվոր հավատադիմ մնա իր նշանաբանին, աներկբա եղեք, որ հաղթությունը մեզ կմնա»<sup>12</sup>:

Ապրիլի 7-ի վաղ առավոտյան երկու հայուհիներ Շուշանցից իջնում էին Ալեքեստան: Թուրք զինվորները փորձեցին առևանգել նրանց: Հայերը նետ-վեցին իրենց դիրքերից և կամեցան փրկել կանանց: Թուրքերը կրակեցին և սպանեցին աղատարարներին: Հայերը պատասխանեցին փոխադարձ կրակով: «Ահա այդպես սկսվեց Վանի դյուցազնական կռիվը»<sup>13</sup>,— գրում է Փ. Թեր-լեմեզյանը: Մարտն սկսվեց բոլոր դիրքերից համարյա միաժամանակ: Որոտում էին թշնամու թնդանոթները, ավերում հայկական դիրքերը, խաղաղ բնակիչների տներն ու այգիները, սուղում էին նրա հրացանների գնդակները, սփռում ամենուր սարսափ ու մահ: Ականատեսը գրում էր. «Անհնարին է փողոցով անցնել: Ամեն քալափուսը կապված է մեծ վտանգի մը հետ: Ոչ միայն հրացանի գնդակները կսողան անվերջ, այլև թնդանոթների հարվածները որոտալով կայլթին բարդիներու գլխուն և կցրվին փողոցի երկայնքի ու լայնքի վրա»<sup>14</sup>: Որոշ տեղերում թշնամու հրացանների գնդակները թափվում էին կայ-կուտի նման և ծուխն ու վառոդի հոտը լցնում հայկական դիրքերը: Բաց հայե-րը կանգնած էին իրենց դիրքերում կայուն ու անսասան և պատասխանում էին թշնամուն պատշաճ հակահարվածներով: Կռվի սկզբում խուճապի ենթարկվեցին միայն կանայք ու երեխաները, որոշ տեղերում բարձրացնելով նույնիսկ լաց ու կոծ: Սակայն շուտով նրանք ընտելացան առօրյային և սկսեցին գործունե մասնակցություն ցուցաբերել հերոսամարտին:

Ահեղ մարտերը ծավալվում են ամբողջ օրը և նոր ուժով բողբոջվում գիշերը: Ապրիլի 8-ին հայերին հաջողվում է հրդեհել անգլիական հյուպատոսու թյան շենքը, ուր ամրացել էին թուրքական ժանդարմներն ու զինվորները և լրջորեն նեղում էին իրենց: Այդ ամրոցի ոչնչացումից հետո «հայ տասնյակ մը դիրքեր որոշ չափով ազատ շունչ կբաշեն»<sup>15</sup>: Զինվորական մարմինը ստեղծում է «Պատվո խաչ» շքանշան և պարգևատրում քաջերին: Ապա կոչ է անում «խնայել փամփուշտները», քանզի պաշարը քիչ է, իսկ ապագան՝ անորոշ:

<sup>10</sup> Նույն տեղում, էջ 71:

<sup>11</sup> Տե՛ս Ա.-Դ. Կ. Նշվ. աշխ., էջ 241—242:

<sup>12</sup> Վասպուրական..., էջ 34:

<sup>13</sup> ՀՊՊ, ֆ. 30, ինվ. 423, թ. 404:

<sup>14</sup> Օ ն. Մ խ ի թ ա Ր յ ա ն. Նշվ. աշխ., էջ 72—73:

<sup>15</sup> Նույն տեղում, էջ 85:

Ապրիլի 9—10-ը ամրաշեն բանվորները, Գրիգոր Բուլղարացու մտահոգությամբ և գլխավորությամբ, կատարեցին մի նոր սխրագործություն՝ հրդեհեցին Համուա աղաչի գորանոցը, ուր հաստատված անվրեպ կրակող շերքեզները անդադրում սարսափի տակ էին պահում հայերին։ Ապա նրանք զնդակոծեցին զորանոցից փախչող զինվորներին։

Ջեդես բելը գաղաղում է։ Նա հայտարարում է, թե ինքնապաշտպանները «պիտի առնեն իրենց արժանի պատիժը», «պիտի ճգմվին», պիտի ոչնչանան թուրք ջոկատների կողմից, ինչպես Շատախում, պիտի շարունակվեն նրանց դեմ հարձակումներն ու ոմբակոծումները, մինչև որ հանձնեն իրենց զենքերը և հալածեն բացարձակ հնազանդություն<sup>16</sup>։

Սակայն Ջինվորական մարմինը, արհամարհելով կուսակալի սպառնալիքներն ու հոխորտանքները, արիաբար շարունակում էր դեկավարել հերոսամարտոր։ Ա. Եկարյանը, Փ. Թեդեմեզյանը, Գ. Բուլղարացին և ուրիշներ զնդակների տարափի տակ անցնում են դիրքից դիրք և ոգևորում մարտիկներին։

Ապրիլի 12—13-ը մարտերը բորբոքվեցին նոր ուժով։ Թշնամին, ստանալով համալրումներ, ոմբակոծում էր և անխնա ու դաժան քանդում հայկական ամրությունները, ավերում խաղաղ ու շեն տները։

Ապրիլի 15-ին Ջինվորական մարմինը նամակ ուղարկեց Կովկաս՝ ռուսական իշխանություններին։ Նկարագրելով իրավիճակը, նա նշում էր. «Ամեն օր սպասում ենք ռուսական ռազմականը։ Խնդրում ենք շտապել։ Հետո ուշ կլինի»<sup>17</sup>։

Ապրիլի 16-ին Թշնամին ավելի սաստկացրեց կրակը։ Նրա թնդանոթները համարյա ամբողջ օրը խփում էին հայերի դիրքերին ու ամրոցներին։ Հակառակորդը «սալավաթ» գոռալով մի քանի անգամ գրոհի նետվեց։ Սակայն ջարդվելով ետ շարվեց։ Նա գործի դռնը հեծելազորը, բայց հայերը, սպանելով նրանց զնդապետին ու 40 հեծյալների, անխախտ պահեցին իրենց դիրքերը<sup>18</sup>։

Ջեդես բելը հերոսամարտի սկզբում հայտարարել էր, որ 2—3 օրում կամայացնի Ալեքստանը և կենաջնջի բոլոր հայերին, բայց առդեն անցել էր 19 օր, չէր կարողանում անգամ խաթարել հայերի դիրքերը, ընդհակառակը, ինքն էր տուժում, տալով նորանոր զոհեր։

Ապրիլի 19-ին նա անցավ նոր հարձակման։ Թեժ կոիվները շարունակեցին նաև հաջորդ օրը։ Իսկ ապրիլի 21-ին ալդ կոիվները հասան իրենց չափերին։ Նրանք, ինչպես արձանագրում էր ականատեսը, «իրենց կատաղությամբ ոչնչեցրին թաղերը ունեին և ոչ էլ ալլևս կոկնվեցան»<sup>19</sup>։ Թշնամին հաջողությամբ հասնելու համար շատ ճիգ ու ջանք թափեց։ Նրա թնդանոթները անընդհատ որոտում էին, գցելով օրական 400 ռումբ, իսկ զինվորները յուրաքանչյուր ժամում արձակում էին մինչև 10000 փամփուշտ<sup>20</sup>։ Որոշ տեղերում թուրքերը դուրս էին գալիս իրենց դիրքերից ու նետվում սվինամարտի։ Չկարողանալով հասնել արդյունքի, կուսակալն ու նրա համախոհները էռորումից հրավիրեցին պերմանացի զինվորական-մասնազետ։ Բայց սա, գործադրելով իր ամբողջ շնորհքը, նույնպես մնաց ձեռնունայն և ստիպված հեռացավ Վանից, հայտարարելով, թե ինքնապաշտպաններից «ես չեմ սպասում ալդպիսի դիմադրություն»<sup>21</sup>։

Եվ իրոք, հայերի դիմադրությունը անհաղթահարելի էր, չտեսնված էր։ Նրանց ամրաշեն խմբերը, աշխատելով գիշեր ու ցերեկ, զարմանալի առագուրությամբ ու ճարպկությամբ վերականգնում կամ վերանորոգում էին թշնամու կողմից ավերված դիրքերը։ Մարտիկները դիպուկ կրակոցներով գետին էին տապալում երևացող հակառակորդներին կամ սվինամարտի բռնվելով, ոչնչաց-

<sup>16</sup> Նույն տեղում, էջ 164—173։

<sup>17</sup> Геноцид армян в Османской империи, под. ред. М. Г. Нерсисяна. Ереван, 1982, с. 281.

<sup>18</sup> Տե՛ս Օ ն. Մ խ ի թ ա Ր յ ա ն. նշվ. աշխ., էջ 143։

<sup>19</sup> Նույն տեղում, էջ 146։

<sup>20</sup> Նույն տեղում, էջ 150։ «Վարդա», բացառիկ, էջ 120—121։

<sup>21</sup> Анри Барби. В стране ужаса. Мученица Армения. Тифлис, 1919, с. 76.

նում էին նրանց. հրկիզողները հանկարծակի հայտնվում էին թուրքերի թիկունքում և այրում նրանց շենքերն ու ամրությունները:

Հերոսամարտը հերոսներ էր ծնում: Արամ Պոռոզանճյանը, արհամարհելով վտանգը, երեք անգամ բարձրացավ սանդուղքների վրա և զգալի վնաս պատճառեց թշնամուն: Նա կամեցավ շարունակել այդ սխրագործությունը, բայց ընկավ հակառակորդի գնդակից: Մանդանցի Սահակը սպանեց 3 զինվոր և թույլ չտվեց, որ հակառակորդը տանի նրանց դիակները: Երբ մթնեց, նա սողեսող մոտեցավ ընկածներին և բերեց նրանց հրացաններն ու փամփուշտները<sup>22</sup>:

Տղամարդկանցից ետ չէին մնում կանայք: 19-ամյա Իսկուհի Համբարձումյանը (Սևո) կրակի տակ թափանցում էր թշնամու թիկունքը, հետախուզում և տեղեկություններ էր բերում, փամփուշտներ էր մատակարարում, վերքեր էր կապում և ուտելիք հասցնում: Հետախուզության զնալիս նա իր ատրճառակը տալիս էր եղբորը, որ շրջակայի թշնամու ձեռքը: Հաճախ նա հրաշքով էր փրկվում հակառակորդի գնդակներից: Իր սխրագործությունների համար Սևուն պարգևատրվեց «Պատվո խաչ» շքանշանով<sup>23</sup>: Նոա նման էին գործում նաև ուրիշ հայուհիներ:

Հերոսություն էին կատարում անգամ պատանիներն ու երեխաները: Նրանք արագորեն նետվում էին թշնամու արձակած ուժերի վրա. արհամարհելով մահը, վնասազերծում էին այն և հանձնում զինագործներին, որոնք արկի վառողը ռազմագործում էին փամփուշտներ պատրաստելու համար: Երեխաները պատերից պոկում էին թշնամու հրացաններից արծալված գնդակները և տալիս նույնպես զինագործներին, որոնք օգտագործում էին դրանք դարձյալ փամփուշտներ պատրաստելու համար<sup>24</sup>: Երբեմն պատանիներից ոմանք կատարում էին ավելի խիլախ գործեր: 14-ամյա Արամը հրկիզեց ֆրանսիական հյուպատոսություն շենքը, ուր խրամատավորվել էին թուրք զինվորները<sup>25</sup>:

Հերոսամարտը պահանջում էր նվիրվածություն, անձնազոհություն և զոհաբերություն: Եվ վանեցիները սիրով կատարում էին այս բոլորը: Այգեստանի դիրքերից մեկում 9 հոգի կռվում էին խիլախոռեն, վախենալով ոչ թե մահից, այլ փամփուշտների սպառումից: Թշնամին ուժեղացրեց և ավերեց նրանց դիրքը: Մարտիկները ոչ թե նահանջեցին, այլ ընկան ավերակների վրա ու շարունակեցին կռիվը: Վեց օր նրանք անքուն ու սոված մարտնչում էին, մինչև որ Զինվորական մարմինը նրանց փոխարինեց ուրիշներով<sup>26</sup>:

Փ. Թերլեմեզյանը դիրքերը շրջելիս տեսնում է կռակի մոտ նստած մի երիտասարդի, որ սաստիկ հիվանդ էր: Երբ Թերլեմեզյանը առաջարկում է՝ «Գնա քնի, այս գիշեր քո փոխարեն ես կմնամ այստեղ, նա հրաժարվում է, ասելով՝ չէ՛ս քեզ, լավ է էստեղ կռվում սպանվիմ, քան թե տանը իմ անկողնում մեռնիմ»<sup>27</sup>:

Հերոսամարտի մասնակիցներից մեկը կռվում էր իր միակ տղայի հետ միասին: Նրա տղան զոհվում է իր աչքերի առաջ: Հալոը որդու դիակը դնում է մի կողմ և շարունակում կռիվը: «Ամբողջ 24 ժամ, — նշում է Փ. Թերլեմեզյանը, — առանց ուտելու, խմելու, դիրքին մեկ անկյունը դարանի մտած, ան կաշխատեր իր տղուն վրեժը լուծելը»<sup>28</sup>:

Մարտերում զոհված Եղիայի մայրը մի այժմ ուներ միայն: Նա տանում է իր այժմ կռվողների դիրքերը, «կթում և աղաչում էր ողորդյալներին խմել»<sup>29</sup>: Մի պառավ կին պուլիկը մի ձեռքին, թասը՝ մյուսին, գինի էր հրամցնում ողորդյալներին, միաժամանակ տալով նրանց խորոված ձուկ: Բեռնակիր Մուկուչը

22 ՏԵՄ Ա. Ե կ ա ռ յ ա ն. նշվ. աշխ., էջ 219:

23 ՏԵՄ ՀՊՊ, ֆ. 30, ինվ. 423, թ. 418:

24 ՏԵՄ ՀՊՊ, ֆ. 30, ինվ. 423, թ. 410: «Վարագ», բացառիկ, էջ 117:

25 ՏԵՄ Ա. Ե կ ա ռ յ ա ն. նշվ. աշխ., էջ 205:

26 ՏԵՄ «Վարագ», բացառիկ, էջ 116:

27 ՀՊՊ, ֆ. 30, ինվ. 423, թ. 414:

28 ՀՊՊ, ֆ. 30, ինվ. 423, թ. 198:

29 Նույն տեղում, թ. 409:

իր միակ անկողինը տանում է խրամատները, որ «կովողները փաթաթվին ու տաքանան»<sup>30</sup>։ Եվ այդպիսի օրինակներ շատ կարելի է բերել։

Հերոսամարտի ընթացքում եռանդուն կերպով դրսևորվեցին ու ծավալվեցին Վանի հայության ստեղծագործական կարողությունները։ Մարդկանց միտքն ուղղված էր այն բանին, թե ինչ միջոցներ հնարեն թշնամուն ավելի հաջող դիմադրելու, ավելի լավ հարվածելու և ջախջախելու համար։ Բուլղարացի Գրիգորի մտահղացումով ու եռանդուն ջանքերով Մարգար Ղարիբջանյանի դարբնոցում ապրիլի 21-ին ձուլվեց «Հայկական թնդանոթը»։ Զեդեթ բեյը երբ լսեց նրա ձայնը, սարսափեց, կառնելով, թե ռուսական զորքերն արդեն մտել են Վան և ուր որ է կհայտնվեն իր առջև<sup>31</sup>։ Այդ թնդանոթը թեև մեծ դեր չխաղաց, բայց, ինչպես իրավամբ նշում էր Ա. Դոն, դարձավ «Ալգեստանի ռազմական ոգու սիմվոլը, պալքարող ժողովրդին նա ներշնչում էր և՛ ոգևորություն, և՛ հույս»<sup>32</sup>։

Վանի նշանավոր փականագործ վարպետ Փանոսի արհեստանոցում նրա աշակերտները նորոգում էին վնասված զենքերը։ Բայց շուտով նրանք սկսեցին պատրաստել նաև փամփուշտներ՝ օրական 2000 հատ<sup>33</sup>։ Հումքը բերում էին քաղաքացիները։ Ալգեստանի գրեթե ամեն տուն «իր սեփական ինքնաեռը, ամանեղենները և այլ կարգի իրերը ինքնակամ կբերեին նվիրելու «սուրբ գործին»<sup>34</sup>։ Ոսկերիչներ ու փորագործիչներ Գ. Գյումճիպաշյանը, Հ. Կաթավյանը, Վ. Պապիկյանը և Ռ. Տուտիկյանը սկսեցին վառող պատրաստել և մատակարարել զինագործներին<sup>35</sup>։ Նրանց արհեստանոցում աշխատում էր 50 մարդ։ Հալեքը ստեղծեցին նաև հրկիզող ու պայթեցնող մի սարք, որը կոչեցին «թուլումբա» մեքենա։ Դրանով նրանք այրում և ավերում էին հակառակորդի դիրքերն ու ամրությունները։ Եռանդով էր գործում հատկապես Լեռ Կամսարը (Արամ Թովմասյան)<sup>36</sup>։

Ալգեստանի համարյա բոլոր ջրաղացները մնացել էին թշնամու ձեռքում։ Սակայն հայ վարպետները կարճ ժամանակամիջոցում վերանորոգեցին հները ու կառուցեցին նորերը և լուծեցին սննդի հարցը։ Իրավ է, ինքնապաշտպանների սնունդը խիստ աղքատիկ էր՝ օրական մի հաց (150—200 գրամ), հաճախ նաև պակաս, բայց կանոնավորված ու կարգավորված էր։ Ամբողջ ամսվա մեջ համարյա չեղան շարաշահումներ կամ խախտումներ։ «Քաղաքի ամեն մի տուն,—հուշագրում է Ե. Նալեյանը,—ամեն մի ընտանիք սննդամթերք էր ուղարկում զիրքերը՝ իր հարազատներին, նրանց մարտական ընկերներին»<sup>37</sup>։

Վանի նշանավոր դպրոցներից մեկի հայոց լեզվի ու պատմության դասատու Հովհաննես Մկրտչյան-Կյուղլյանը հիմնադրեց «Փանֆար» նվագախումբը, որը հայրենասիրական ու ազատասիրական երգեր նվագելով ոգևորում էր հայ մաքսիկներին դեպի կռիվ և հաղթանակ։ «Վան-Տոսպի» թղթակից Բ. Տ. Սահակյանը գրում էր. «Ամբողջ կովի ընթացքին՝ հայկական ֆանֆարը շեփորեց վրեժի, պատվի և հաղթանակի ռազմերգեր։ Ամենածանր վտանգներու ժամանակ՝ նա ռազմիկներուն օգնության հասավ, երիտասարդները հուզեց, մայրերուն աչքերեն արցունքներ քամեց և պահեց հայուն ոգին անընկճելի, մինչև հաղթանակի վերջին օրը»<sup>38</sup>։ Զեդեթ բեյը, չկարողանալով թաքցնել

30 Նույն տեղում, թ. 413։

31 Տե՛ս Օ ն. Մխիթարյան. նշվ. աշխ., էջ 110։

32 Ա. Դոն. նշվ. աշխ., էջ 342։

33 Տե՛ս Օ ն. Մխիթարյան. նշվ. աշխ., էջ 109։

34 Նույն տեղում։

35 Ա. Գարբինյան. նշվ. աշխ., էջ 275։

36 Տե՛ս Օ ն. Մխիթարյան. նշվ. աշխ., էջ 96—97։

37 Ե. Նալեյան. Իմ կյանքը (համառոտ կենսագրություն). Երևան, 1925, էջ 139։ Օգտորվել ենք ձեռագրից, որ սյահվում է հեղինակի մոտ։

38 «Վան-Տոսպ», 1916, № 22—23։ Ա. Գարբինյան. նշվ. աշխ., էջ 324։

իր բարկությունը, բացականչում էր. «Նրանք իրենց երաժշտությամբ ինձ կհասցնեն կատաղության»<sup>39</sup>:

Լենդհանրապետ պետք է նշել, որ հայերի ստեղծագործական եռանդն ու ազատասիրական ձգտումները, թշնամուն հաղթելու բուռն ցանկությունը օրըստօրե բորբոքվում ու ծավալվում էին: Գերմանացի ականատեսներից մեկը ստիպված էր խոստովանել. «Ինչ կենսունակ մառդիկ են սա հայերը. մենք քանդելով, անոնք շինելով, չկրցանք իրենց հասնիլ»<sup>40</sup>:

Ապրիլի 21-ին Զեդեթ բեյի կազմակերպած վճռական և ուժեղ գրոհը նույնպես ձախողվեց:

Անհաջողության մատնված կուսակալը ինքնապաշտպաններին նեղելու համար դիմեց այլ միջոցի. Վանի շրջակա գավառներում դեռ ողջ մնացած հազարավոր հայ գյուղացիների բերեց լցրեց Այգեաստան, նպատակ ունենալով առաջացնել սով ու համաճարակ: Ականատեսն աչդ առթիվ գրում էր. «Զկառ ավելի զարհուրելի պատեր, քան պատկերը աչդ գաղթականության: Հայոց Չորի, Արճակի, Թիմարի, Խոշաբի և Վանի արվարձաններուն մեջ լքված թշվառության ալք բեկորները, թուրքական ոստիկաններու հատուկ խնամքով, մեկիկ մեկիկ և տասնյակներով, հավաքված էին և իբրև սովի ու համաճարակի միկրոպեններ դեպի Այգեաստան քշված...»<sup>41</sup>:

Սակայն կուսակալը դառնորեն սխալվեց: Զինվորական մարմինն աչդ բոլոր տարաբախտներին ընդունեց և իր սուղ միջոցներից բաժին հանեց նրանց: Ապա եկվորներին զետեղեց տարբեր խմբերում և ավելի խտացրեց իր շարքերը: Հուսցանակիրներին էլ տեղավորեց ռազմական դիրքերում: Արդյունքը եղավ այն, որ ինքնապաշտպաններն ալժամ ավելի զորեղացան:

Ապրիլի 28-ին թշնամին նոր գրոհ կազմակերպեց: Նրա հրանոթները, զընդացիրները վերսկսեցին ռմբակոծել ու կռակ թափել հայկական դիրքերի վրա: Գրավելով Շուշանցն ու Վարազը, թուրքերը փորձեցին ներխուժել Այգեաստան: Նրանք կարողացան քանդել մի քանի դիրքեր և մերկացնելով սրբերն ու սվինները, նետվեցին հայերի վրա:

Սակայն հայերը հերոսաբար դիմադրեցին: Նրանք հրազենով, երկաթնե-րով, մահակներով ու քարեռով ետ էին շարտում թշնամուն, փախուստի էին մատնում նրան: Կռիվը գնալով շիկանում էր, դիրքերը ձեռքից ձեռք էին անցնում: Հայերը յուրաքանչյուր տուն ու փողոց վեր էին ածել ամրոցի, իսկ ավերված դիրքերը վերականգնում էին: Նրանք որոշել էին մեռնել, բայց չհանձնվել ատելի թշնամուն<sup>42</sup>:

Համառ պայքարով հայերը կարողացան պահպանել իրենց դիրքերը: Թուրքերից զոհվեցին 25 մարդ և համարյա նույնքան էլ վիրավորվեցին: Բայց հայերի կորուստներն էլ պակաս չէին: Նրանց դիրքերն ու ամրությունները երբեք այդքան քանդված ու ավերված չէին եղել, ինչպես աչդ ժամանակ:

Ապրիլի 29-ին թշնամին լռեց: Սակայն հայերը զդաստ էին: Նրանք ենթադրում էին, որ հակառակորդի բանակում ինչ-որ բան է կատարվում, սպասում էին, թե նա վերստին հարձակման կանցնի: Եվ իրոք, մայիսի 3-ին Զեդեթ լեյը վերսկսեց թնդանոթածգությունը: Ինչպես միշտ, այնպես էլ այս անգամ հակառակորդը կրակն ավելի էր ուժեղացնում գիշերը, քանզի վախենում էր, թե հայերը կարող են օգտագործել խավարը և նվաճել նոր դիրքեր<sup>43</sup>: Այդ ումբակոծումների հետևանքով թուրքերը սպանեցին 30 անդեն տղամարդ, կին ու երեխա և վիրավորեցին շատերին<sup>44</sup>:

Բայց դա մահապարտի վերջին ճիշն էր: Ռուսական զորամասերն ու հայկական կամավորական խմբերը, ջախջախելով թուրքական ուժերին ռազմաճա-

39 А н р и Б а р б н. Указ. соч., с. 75.

40 Ա. Ե կ ա ր յ ա ն. նշվ. աշխ., էջ 105:

41 Օ ն. Մ խ ի թ ա Ր յ ա ն. նշվ. աշխ., էջ 161:

42 Տ ե Վ ն. Խ ա լ է յ ա ն. նշվ. աշխ., էջ 133—134:

43 Տ ե Վ ն. նույն տեղում, էջ 137—138:

44 Տ ե Վ ն. Օ ն. Մ խ ի թ ա Ր յ ա ն. նշվ. աշխ., էջ 200: Ա-Դ ո. նշվ. աշխ., էջ 358:

կատում, արագորեն շարժվում էին դեպի Վան: Ուստի աղյուսարբու կուսակալը հարկադրված եղավ թողնել քաղաքի պաշարումն ու փախչել:

Հայերը ցնծության մեջ էին: Նրանք զվարճանում և ուրախանում էին իրենց հաղթանակով, հրճվում էին թշնամու սյարտովյամբ ու փախուստով: Զինվորները դուրս եկան դիրքերից, այրեցին թշնամու թոփրակ-կալե և Հաճի Բեքիրի զորանոցները, որոնց բոցերը դառնալով հայոց խիզախության ջահեր, ավետում էին նրանց հաղթանակը: Ապա մարտիկները գրավեցին Զեդեթի ուրջը, ուր գտան մայիսի 3-ին իտալական հյուպատոսության գործակալ Գ. Սբորգոնիին ուղղված նրա նամակը, որտեղ նշում էր, թե «պատերազմական հարկադրությանց պատճառով քաղաքը կթողում»<sup>45</sup>:

Մայիսի 5-ին Վան մտան հայ կամավորական խմբերը և ռուսական զորամասերը՝ գեներալ-մայոր Նիկոլանի ու գեներալ-մայոր Թ. Նազարբեկյանի ղեկավարությամբ<sup>46</sup>: Անրի Բարբիի վկայությամբ, նրանք հասան ճիշտ ժամանակին, քանի որ ինքնապաշտպանների սննդամթերքն ու ռազմական պաշարն արդեն սպառվում էին<sup>47</sup>:

Մայիսի 6-ին «Վասպուրականի հայ ինքնապաշտպանության զինվորական մարմինը» կոչ հղեց հայ ժողովրդին, որի մեջ ասվում էր. «Ամսօրյա պայքարը, զոր տարանք փառքով ու պատվով, այսօր իր կատարելության մեջ կվայելենք ահա մեր հաղթանակներով... Մեր զինվորների արի և անսասան դիմադրությունը... թշնամիին զգացնել տվավ, որ մեր երակներուն մեջ չէ դադրած, կհոսի տակավին արյունը ազատության և կովի... Այժմ փախչում է այն թշնամին, որ հարյուրավոր տարիներ մեզ թալանել, կողոպտել ու խաչել է... Մեր հերոսական կռիվներով մենք արդեն հիմը դրինք այն հոյակապ ազատության, որուն երազեցին մեր հանճարները... որու համար երեսունամյա կռիվներով միլիոնավոր կյանքեր զոհաբերեցինք և որու առաջին արշալույսը կծագի ահա բախտավոր Վասպուրականի հպարտ լեռներու վրա...»

Այսօր ուրեմն տոնն է ոչ միայն մեր ամսօրյա պայքարին և հաղթանակներուն, այլև նախատոնը հայկական ազատության՝ բոլոր բռնավոր լուծերեն, բոլոր հոշոտող ճիրաններեն...»<sup>48</sup>:

\* \* \*

1915 թ. ապրիլին, Ալգեստանից անկախ ու կտրված հերոսամարտ բռնկվեց նաև Վանի Քաղաքամիջում, որը քաղաքի ու վիլայեթի վարչական կենտրոնն էր: Այստեղ էին տեղավորված պետական հիմնարկները՝ ոստիկանությունը, զորանոցը, դատարանը, բանտը, փոստ-հեռագրատունը, հայոց հոգևոր առաջնորդարանը, ծխական դպրոցը, գրադարան-ընթերցարանը, շուկան և այլն:

Քաղաքամիջում հերոսամարտը ղեկավարում էին Շուշանյան վարժարանի տեսուչ Հայկ Կոստյանը, խանութպան Դ. Սարգսյանը, առևտրական Լ. Գալաճյանը, պղնձագործ Հ. Ներկարարյանը (Հարո), հոգևորական Եզնիկ վարդապետ Ներկարարյանը և ուրիշներ<sup>49</sup>:

Ի տարբերություն Ալգեստանի, ուր հայերը հերոսամարտը վարում էին համեմատաբար մեծ թվով (23000 մարդ), Քաղաքամիջում կռվողների թիվը փոքր էր (3000 մարդ):

Քաղաքամիջում իրադարձությունները սկսվեցին ու ծավալվեցին համարյա այնպես, ինչպես Ալգեստանում: Ապրիլի սկզբներին Զինվորական մարմինը, նախքան ռազմական գործողությունների դիմելը, փորձեց բանակցություններ

<sup>45</sup> Օ. Ն. Միսիթարյան. նշվ. աշխ., էջ 203:

<sup>46</sup> Տե՛ս Ա. Դարբինյան. նշվ. աշխ., էջ 329:

<sup>47</sup> А н р и Б а р б и. Указ. соч., с. 76.

<sup>48</sup> Օ. Ն. Միսիթարյան. նշվ. աշխ., էջ 209—210:

<sup>49</sup> Տե՛ս Ա.-Դ. Ն. նշվ. աշխ., էջ 265—266: Ա. Ա. Կեռքիզյան. Վասպուրականի հերոսամարտը, 1915 ապրիլ 7—1915 մայիս 7. Բելուսթ, 1966, էջ 208:

վարել Զեդեթ բեյի հետ, հույս ունենալով, որ թերևս հնարավոր լինի խաղաղ եղանակներով պահել ու պահպանել Վան-Վասպուրականի հայությունը: Այդ նպատակով եղնիկ վարդապետին ուղարկեց նրա մոտ: Սակայն կուսակալը պատասխանեց խիստ տոնով և ավելացրեց. «Այս երկիրը կամ հային պիտի մնա և կամ թուրքին, երկուսի մեկտեղ բնակիլը այլևս անհնարին է»<sup>50</sup>:

Զեդեթ բեյի այդ պատասխանից հետո Զինվորական մարմինը վճռականապես որոշեց դիմել ինքնապաշտպանության: Թուրքական ահուկի ուժի դեմ նա ուներ 100 հրացան՝ 30 հազար փամփուշտով և 210 ատրճառակ՝ 30 հազար փամփուշտով, ընդամենը 310 զենք՝ 60 հազար փամփուշտով<sup>51</sup>:

Ապրիլի 7-ի առավոտյան թշնամին, հարձակման անցնելով Այգեստանի վրա, մի քանի ժամ հետո կոխվ սկսեց նաև Քաղաքամիջի դեմ: Նա ձգտում էր գրավել հայկական դիրքերը, սակայն հայերը արիաբար պաշտպանեցին դրանք: Դազազած հակառակորդը սկսեց ուժեղանալ Քաղաքամիջի խաղաղ տները: Բնակիչները սկզբում շվարեցին, նույնիսկ խուճապի ենթարկվեցին, բայց շուտով «խուլական խոշանքով մը դուրս եկան կովի դավադիր թշնամու դեմ հանդիման»<sup>52</sup>: Հայերը ոչ միայն ետ շարտեցին թուրքերին, այլև փորձեցին գրավել նրանց հիմնարկներից մեկը: Այդ գործում ակտիվ դեր խաղացին նաև կանայք: Քառասունամյա Աղավնի Վարդապետյանը, արհամարհելով մահը և բախտի կամքին թողնելով իր վեց երեխաներին, առաջնորդեց հայ մարտիկներին դեպի թշնամու դիրքերը, փորեց ու ճամփա բացեց նրանց համար, ոգեվորելով՝ «Դե՛ ձեզ մատաղ տղաներ, շուտ-շուտ»<sup>53</sup>: Հերոսամարտի ղեկավար Հ. Կոստյանը հետագայում գրում էր. «Կովի ընթացքին Քաղաքամեջն ունեցավ ուրիշ շատ տղավիհներ, որոնք մինչև վերջ անբաժան մնացին մեզնից, բաժանելով գրկանքն ու արշուներ»: Հայ ռազմիկներն իրենց դիպուկ կրակոցներով պետին էին տապալում թշնամու զինվորներին, սպանում թնդանոթածիգներին և լուեցնում նրանց հրանոթները: Աչքի ընկավ հատկապես Ավետիս Վարդապետյանը, որը անգամ վիրավոր չէր ուզում լքել ռազմադաշտը: «Ախ մի առե՛ք հրացանս,— ասում էր նա իր զինակիցներին,— բարձրացուցե՛ք զիս, կրակել կուզեմ»: Եվ այդպես անձնուրաց էին կովում հերոսամարտի մյուս մասնակիցները, որի հետևանքով հայերի շարքերում չէր լինում «ոչ մեկ հուսաբեկություն»<sup>54</sup>:

Այնուամենայնիվ շարանենգ թշնամին ձգտում էր հաջողության հասնել: Թուրք սպաները զինվորներին ոգևորում էին օսմանյան պետական ու զինվորական անցյալի գործիչների խիզախ արարքներով, բռնակալների փառքով, կրոնական մոլեռանդությամբ, «սալավաթ» էին կանչում ու գրոհի կոչում, սակայն արդյունքի չէին հասնում: Նրանք բախվում էին հայոց աննկուն պատենշներին ու խորտակվում: Կովի առաջին օրը հակառակորդից սպանվեցին 60, վիրավորվեցին 80 զինվոր, իսկ հայերից վիրավորվեցին միայն 4 զինվոր<sup>55</sup>:

Կատաղի մարտերը շարունակվեցին նաև ապրիլի 7-ի գիշերը: Զինվորական մարմինը որոշեց հրկիզել հակառակորդի հիմնարկությունները, հատկապես զորանոցներն ու զինապահեստները: Եվ քաջարի մարտիկները սկսեցին իրագործել այդ որոշումը: Իր հերոսական արարքներով հռչակվեց հատկապես 16-ամյա Արամ Կապարուկյանը, որը «զարմանալի անվախությամբ» այրեց Ճիտեճյանի խանը, ուր դիրքավորվել էին Զեդեթ բեյի զինվորներն ու քրդերը, ապա՝ ոստիկանատունը, այնուհետև՝ կենտրոնական դատարանի շենքը<sup>56</sup>: Կարապետ և Մարտիրոս Մուրադյանները հրկիզեցին փոստ-հեռագրատան շեն-

<sup>50</sup> Ա.-Դ. ո. Նշվ. աշխ., էջ 273:

<sup>51</sup> Նույն տեղում, էջ 271:

<sup>52</sup> Վասպուրական..., էջ 45:

<sup>53</sup> Նույն տեղում, էջ 45:

<sup>54</sup> Նույն տեղում, էջ 46:

<sup>55</sup> Նույն տեղում, էջ 46—47:

<sup>56</sup> Նույն տեղում, էջ 47: Ա.-Դ. ո. Նշվ. աշխ., էջ 284—285:

Ջը<sup>57</sup>։ Թուրքական հրոսակները այրվեցին բոցերի մեջ, իսկ ովքեր փորձեցին ազատվել փախչելով, ընկան հայերի գնդակներից։ Այդ նույն գիշերվա ընթացքում հայ մարտիկները հրկիզեցին նաև Բանկ-Օտտոմանի և կառավարչատան շենքերը։ Այրվեց ու մոխիր դարձավ թուրքական բռնապետության սիմվոլը՝ սամանյան պետական դրոշակը։ Այդպիսով, «թշնամին,— գրում էր Հ. Կոսոյանը.— մեկ գիշերվա մեջ կորցրեց իր ուժեղագույն դիրքերը»<sup>58</sup>։ Զևեթ բնյր ստիպված էր խոստովանվել, որ «կառավարության նամուսը քաղաքի մեջ կործանվեց»։

Հերոսամարտի երկրորդ օրը հայերը պայթեցրին պետական զինվորական պահեստը և թշնամու մի շարք դիրքեր։ «Կրակե գոտին,— շարունակում է Հ. Կոսոյանը,— բռնեց քաղաքի շուրջը կարմիր երիզով»<sup>59</sup>։ Խնդիր դրվեց այրել նաև կուսակալի որջը։ Այդ էլ կատարվեց։ Թշնամին նահանջում էր։ Հայերը գրավեցին նրանից 20 հազար փութ ցորեն, 700 փութ ալյուր, Ռեժիի աղի շտեմարանները և այլն։ Ըստ էության հայերը տեր էին դարձել ամբողջ Քաղաքամիջին։

Ուշագրավ է, որ հակառակորդը, հենվելով իր գերազանց ուժի վրա, ձեռնարկում էր անկազմակերպ գրոհներ, իսկ հայերը, ցուցաբերելով համախմբվածություն ու կազմակերպվածություն և ազատագրվելու ու ապրելու անսասան կամք, հաջողությամբ հարվածում ու ջախջախում էին նրան։ Երբեմն հայ զինվորները մենակ կամ մի քանի հոգով փախուստի էին մատնում թշնամու շատ զինվորների, «ցույց տալով քաջության օրինակներ»<sup>60</sup>։

Ապրիլի 10-ին թշնամին սաստկացրեց կրակը։ Սակայն հայերը արիաբար դիմադրում էին։ Այնուամենայնիվ թշնամին ճնշում էր։ Մինչև գիշերվա ժամը 1-ը նա կարողացավ հայերից գրավել 2 դիրք, տալով տասնյակ զոհեր։

Ապրիլի 11-ին հակառակորդը նոր հարձակում ձեռնարկեց, բայց ետ շարվեց։ Զինվորական մարմինը դիմեց մարտիկներին, պահանջելով՝ ամրապնդել կարգապահությունը, լինել ավելի կայուն ու խիզախ, խնայել թե՛ կյանքը և թե՛ փամփուշտը, շարձակել ոչ մի զնդակ՝ «առանց նպատակի»<sup>61</sup>։ Որքան էլ այդ կարգադրությունը կատարվում էր, բայց զենքի ու փամփուշտի կարիքը խստորեն զգացվում էր։ Եվ առանձին անհատներ սխրագործությամբ էին դրանք ձեռք բերում։ 16-ամյա Արմենակ Սարգսյանը, նետվելով կրակների մեջ, բերեց թշնամու զոհված զինվորների հրացաններն ու փամփուշտները։

Քաղաքամիջի հայերը փորձեցին կապվել Այգեհստանի հետ։ Տեսնելով, որ սուրհանդակներով անհնար է, սկսեցին փորել գետնուղի։ Այդ գործի մասնագետ Բնա Սիմոնը 10 օր աշխատեց և քիչ էր մնում, որ հասներ նպատակին, բայց թշնամու պատահական արկը, պայթելով արդեն պատրաստի գետնուղու վրա, խափանեց նրա ձեռնարկումը։ Այնուամենայնիվ, դա խիզախ մտահղացում էր, անձնուրաց ու համարձակ կենսագործում։

Ապրիլի 17-ին Զևեթը սաստկացրեց ուժեղացող ճնշումները։ Բայց հայերը շարունակում էին արիաբար պաշտպանվել ու հակահարվածել հակառակորդին։ Մեծերի հետ մեկտեղ հերոսամարտում գործուն գեր էին խաղում նաև երեխաներն ու պատանիները։ Ինչպես Այգեհստանում, այնպես էլ այստեղ նրանք նետվում էին թշնամու հենց նոր զցած ու դեռ չպայթած ումբի վրա, վնասազերծում էին այն և տանում զինագործների մոտ, որոնք նրա վառողից պատրաստում էին փամփուշտներ։ «Ոհ,— գրում էր Հ. Կոսոյանը,— որքան արիություն ցույց կուտային մեր այդ մատաղ հերոսները, թուշերը կարմիր, աչքերը կրակոտ, անհանգիստ կհետևեին ընկած զնդակներուն, որոնք օդի մեջ սև

57 Ա.-Դ. ռ. նշվ. աշխ., էջ 284—285։

58 «Վաստկության...», էջ 47։

59 Նույն տեղում, էջ 49։

60 Ա.-Դ. ռ. նշվ. աշխ., էջ 286։

61 Նույն տեղում, էջ 287։

թռչունի մը պես նկատելի՝ վար կիչնային»<sup>62</sup>։ Հերոսամարտի մասնակիցները հիացմունքով էին նշում 10—15 տարեկան պատանիներ Բաբկեն Խաչանյանի, Մարտիրոս Գեղուշյանի, Հովհաննես Ազգասերյանի, Ասլան Ասլանյանի, Ծուռ Անուշի մանչու՝ Ոստանիկի, Ուռուսի և ուրիշների անունները<sup>63</sup>։

Ապրիլի 19—20-ին թշնամին ավելի ուժեղացրեց ուժեղացումը։ Նա օրական թափում էր շուրջ 500 ումբ և ավերում հայերի դիրքերն ու ամրությունները։ Միաժամանակ սաստկացնում էր հրացանային կրակը։ Բայց հայերը հակառակորդի քանդած ամրություններն ու դիրքերը կրկին վերականգնում էին ու արիաբար պաշտպանվում։

Ապրիլի 20-ին մի սպա խրամատից, առանց հայտնվելու, դիմեց հանրահայտ հայդուկ, անվրեպ կրակող Շատախցի Ավույին, ասելով, որ Զեղեթ բեյի անունից ինքն ուզում է իմանալ, թե ինչ են պահանջում հայերը։ Ավույն նրան պատասխանեց, որ ինքը սարի մարդ է, դա կարող են ասել հայոց հոգևոր ու կուսակցական ղեկավարները։ Երբ սպան համառեց և ցանկություն հայտնեց գոնե տեսնել նրա երեսը, Ավույն հայտարարեց. «Էսօր մեր նամուսի համար թվանք ձեռքիս կկոժիմ, մեր օլուղ շոճուղ չենք թողներ, որ անամոթաբար մնան ձեր ձեռքը», «խաղաղություն չկա, քանի Զեղեթ կա, կուզեմ անոր գլուխը, հասկցա՞ր»<sup>64</sup>։

Դժվար է ասել, թե սպան իրոք վարում էր այդ խոսակցությունը Զեղեթ բեյի հանձնարարությամբ։ Բայց հայտնի է, որ ապրիլի 21-ին կուսակալը երկու հայ կանանց միջոցով նամակ ուղարկեց Զինվորական մարմնին, որով պահանջում էր զինաթափվել ու հանձնվել, այլապես սպառնում էր կոտորել։ «Եթե առաջարկներս չընդունեք,— գրում էր նա,— այսօր Գյավաշեն եկող հրետանիները հոս հասնելուն պես, ամբողջովին քաղաքի վրա պիտի ուղղեմ և ողջ քաղաքը տակն ու վրա պիտի ընեմ»։ Գթացեք գոնե ձեր ընտանիքներին։ «... ձեզի փրկություն չկա»<sup>65</sup>։

Հայերը, սակայն, չահաբեկվեցին Զեղեթ բեյի սպառնալիքներից, չհավատացին նրա կեղծ խոստումներին և որոշեցին կոխվել շարունակել մինչև վերջին մարդը, մինչև վերջին փամփուշտը։ Ապրիլի 22-ին կուսակալը կրկնեց իր պահանջները, բայց դարձյալ մերժում ստացավ։ Այն ժամանակ նա գործի դրեց թնդանոթները և սկսեց անխնա ուժեղացնել Քաղաքամեջը։ Ծուխն ու փոշին պատեցին երկինքը և փակեցին արևի ճամփան։ Վառողի հոտը տարածվեց ամենուր։ Սակայն հայերը մնացին իրենց դիրքերում և հերոսաբար դիմագրավեցին։

Անհաջողության մատնված Զեղեթ բեյը փորձեց այստեղ էլ կատարել այն, ինչ Ալգեստանում, այն է՝ գավառներից հավաքած տարաբախտ հայերին (500 մարդ)՝ քեց դեպի Քաղաքամեջ, նպատակ ունենալով պաշարվածների մեջ առաջացնել սով ու տարափոխիկ հիվանդություններ։ Բայց նրա ձգտումներն այստեղ էլ անցան ապարդյուն։

Մայիսի սկզբին ռուսական զորամասերի ու հայ կամավորական զնդերի առաջխաղացման հետևանքով Զեղեթը սկսեց թողնել ինչպես Ալգեստանի, այնպես էլ Քաղաքամիջի պաշարումը և բռնել փախուստի ուղին։ Փախուստից առաջ նա տանջամահ արեց ու զնդակահարեց ձերբակալված ու Վանի բանտում փակված հայերին։

Պաշարումից աղատված հայերը սկսեցին հետապնդել թշնամուն և այրել նրա ամրոցները։ Նրանք մոխիր էին դարձնում 600 տարվա բռնակալության հիշատակները և հռչակում իրենց ազատությունը։ Սահակ Ճանկոյանը բարձրացավ Վանա նշանավոր բերդի գագաթը, վայր շարտեց դարերից ի վեր բռնությունների սիմվոլ հանդիսացած թուրքական դրոշակը և նրա փոխարեն ամրացրեց աղատություն դրոշակը։

122. Կոստյան. նշվ. աշխ., էջ 121։

63 Տե՛ս նույն տեղում։

64 Նույն տեղում, էջ 125։

65 Նույն տեղում, էջ 125։

Մայիսի 4-ին Այգեստանի ու Քաղաքամիջի հերոսամարտերի մասնակիցները հանդիպեցին իրար: Նրանք շնորհավորեցին միմյանց համառ պայքարով ու զոհերի գնով ձեռք բերած հաղթանակը: Ուրախությունը համաժողովրդական էր: Ճառով հանդես եկավ Փանոս Թերլեմեզյանը և ասաց. «Ողջույն քաղաքացի հերոս ժողովրդին, պարծանք բոլոր կռվողներուն, որոնք խիզախորեն կուրծք տվին թշնամուն և հաղթանակեցին: Մենք բերեք ենք ձեզ Այգեստանի ձեր զինակից ընկերներու համբույրն ու հիացմունքը: Երկու տեղն ալ փառքով հաղթանակեցինք, թշնամին անզոր ու խայտառակված փախավ: Խուսական բանակը՝ կամավորներու առաջնորդությամբ... մտած է երկիր: Զխորհինք, թե զենքը վար պետք է դնել: Ոչ, այժմ ավելի քան առաջ պատրաստ պետք է գտնվինք հավանական բոլոր տնականայնորու հանդեպ: Փախչող թշնամին հեռու չէ, կարող է վերադարձի և հարձակման փորձեր ընել»<sup>66</sup>:

Շուտով Քաղաքամեջ եկան հայ կամավորական խմբերի ու ռուսական զորամասերի հրամանատարները: Գեներալ-մայոր Նիկոլաևը զարմացավ, երբ տեսավ հայերի կառուցած դիրքերն ու ամրությունները: Նա հարցրեց. «Արդյո՞ք ձեր շարքերու մեջ զինվորական ամրության կառուցման մասնագետներ եղած են: Որովհետև այս դիրքի ներկա վիճակը (նկատի ունեւ Թեքալիֆ-Հարբիեի ամրոցը—Ա. Հ.), անոր նկուղային ամրացումը, շատ կողմերով կ'հիշեցնեն Փորթ-Արթուրի բերդային ամրությանց, Մանջուրիո մեջ»: Երբ պատասխանեցին՝ ոչ, դա ստեղծվել է կռվի պայմանների թելադրանքով, գեներալը չհավատաց, ասելով՝ «դա չի կարող լինել... վասնզի փորձառու հմուտ մասնագետի գործ կնմանի ներքին ամրացումը»: Կրկին հարցուփորձից հետո գեներալը, երբ համոզվեց, որ ամրոցները, իրոք, հայերն են կառուցել իրենց հնարամտությամբ, գովեց նրանց<sup>67</sup>:

Ամբողջ կռիվների ընթացքում թշնամին արձակեց հայերի վրա մոտ 16 հազար հրանոթային արկ, որից 10 հազարը՝ Քաղաքամիջում, 6 հազարը՝ Այգեստանում<sup>68</sup>: Ինչ վերաբերում է զոհերին ու վիրավորներին, ապա նրանց թվաքանակի մասին կան տարբեր տեղեկություններ: 1915 թ. մայիսի 31-ին Վանի իտալական հյուպատոսական գործակալը նշում էր, որ թուրքերը հայերից սպանել են մոտ 100 կին ու երեխա և մի քանի տղամարդ, իսկ իրենք գրոհներից միայն մեկի ժամանակ կորցրել են 60—70 մարդ<sup>69</sup>: Ա. Դոն գրում էր, որ Քաղաքամիջում հայերից սպանվել են 43 և վիրավորվել 71 մարդ, իսկ Այգեստանում նրանց թիվը «անհամեմատ ավելի շատ էր»<sup>70</sup>: Հ. Կոստյանի տվյալներով, Քաղաքամիջում հայերից զոհվել են 34 (12-ը՝ զինվորներից, 22-ը՝ ժողովրդից) և վիրավորվել են 69 մարդ (16-ը՝ զինվորներից, 53-ը՝ ժողովրդից)<sup>71</sup>: Ա. Նկարյանի վկայությամբ Այգեստանում հայերի կորուստները կազմել են մոտ 250 մարդ, որից 145-ը՝ կռվողներից<sup>72</sup>: Թուրքերի կորուստների մասին լրիվ տեղեկություններ չունենք:

Համենայն դեպս, հայերի կորուստները քիչ էին: Իրենց խիզախության և արիության շնորհիվ նրանք ոչ միայն աղատվեցին կոտորածներից, այլև փրկեցին գավառների հազարավոր գյուղացիներին, ապաստան տալով նրանց քաղաքում: Ապրիլի 29-ի վիճակագրությունը ցույց տվեց, որ Վանի բնակչությունը արդեն հասել էր 70 հազարի, ավելացել էր զինվորների ու ամրաշին բանվորների քանակը, հրացանների ու փամփուռների թիվը<sup>73</sup>: Հ. Երամյանը գրում էր, որ վանեցիները ոչ միայն քաջաբար տարան կռիվը, այլև իրենց

66 Հ. Կոստյան. նշվ. աշխ., էջ 162:

67 Նույն տեղում, էջ 175, 176:

68 Տե՛ս Գеноцид армян..., с. 287; Анри Барбис. Указ. соч., с. 75.

69 Տե՛ս Գеноцид армян..., с. 287.

70 Ա. Դոն. նշվ. աշխ., էջ 364:

71 Տե՛ս Հ. Կոստյան. նշվ. աշխ., էջ 166—169:

72 Տե՛ս Ա. Նկարյան. նշվ. աշխ., էջ 228:

73 Տե՛ս Օն. Մխիթարյան. նշվ. աշխ., էջ 197:

մոտ տեղավորեցին ու կերակրեցին «40 000-ի չափ մերկ ու անոթի փախըստականներ»<sup>74</sup>։ Դա, անշուշտ, մեծ նվաճում էր։

Ինչո՞ւ էր պայմանավորված այդ նվաճումը, որո՞նք էին վանեցիների հաղթանակի պատճառները։ Տեսնելով, որ թշնամին անողոք է ու դաժան, վաղուց է հայաչինջ քաղաքականություն, նրանք ընդունեցին ճիշտ որոշում՝ գերադասեցին պատվաբեր մահը անպատվաբեր ստրկությունից և հերոսաբար հանդես եկան թշնամու դեմ։ Նրանք լարեցին իրենց վերջին ուժերը, գործի դրեցին մարտական ու ստեղծագործական ողջ կարողությունները, ամբողջ եռանդը և ցուցաբերելով գերազանց կազմակերպվածություն ու կարգապահություն, կարողացան ոչ միայն պաշտպանվել, այլև հակահարված հասցնել ու ևս շարունակ հակառակորդին։

Վանեցիները կարողացան կարճ ժամանակամիջոցում համախմբվել, մի կողմ դնել կուսակցական ու անկուսակցական ներհակությունները, դառնալ մի հոգի, մի սիրտ, մի մարմին և միասնաբար կանգնել թշնամու դեմ։ Այդ բանում նրանց օգնեց 1896 թ. փորձը։ Նրանք չկրկնեցին անցյալի սխալները. այլևս չխաբվեցին օսմանյա՝ ոճրագործների կեղծ խոստումներից և խիզախորեն շարունակեցին պայքարը. Քաղաքամեջը այժմ պասսիվ չմնաց, ընդհակառակը՝ արագորեն ոտքի կանգնեց և, թեև անկախ Այգեհոստանից, բայց նրա հետ միաժամանակ արիաբար դիմագրավեց թշնամուն։

Վանեցիների միավորմանը զգալիորեն նպաստեց ալգաչին ուժերի համախմբման ան պրոպագանդան, որ տասնամյակներ շարունակ վարում էին հայ հասարակական-քաղաքական տարբեր շրջանները, ազդի ճակատագրով մըտահոգված դործիչները։ Տեղ-տեղ մարմնացում գտած այդ գաղափարը թեև խաթարվեց 1908 թ. հեղաշրջման կեղծ պատրանքներից, բայց և այնպես վերարթնացավ առաջին համաշխարհային սլատերազմի նախօրյակին և որոշ տեղերում, առաջին հերթին Վանում, կենսագործվեց պատերազմի օրերին։

Հերոսամարտի հենց սկզբից վանեցիները ընտրեցին կուլի ճիշտ ստրատեգիա, որոշելով հիմնականում պաշտպանվել և այդ նպատակով կառուցեցին ու վերակառուցեցին այնպիսի ամրություններ ու դիրքեր, որոնք կարող էին լինել փորձված ռազմական մասնագետների մտքի արգասիքները։

Հերոսամարտի մասնակիցներին ուժ ու եռանդ էր ներշնչում ռուսական շորամասերի ու հայ կամավորական խմբերի մոտալուտ ժամանման և օգնության հույսը։ Իրավ է, նրանք կտրված էին արտաքին աշխարհից, դեռ ոչինչ չգիտեին այդ մասին, բայց և այնպես տոկում ու սպասում էին։ Վերջին հաշվով, ռուսական ուժերը լուծեցին զլխավոր հաբցը, նրանք փրկեցին սովահարության ու կործանման դատապարտված պաշարվածներին։

Վանի հերոսամարտը մի գեղեցիկ էջ է հայ ժողովրդի պատմության մեջ։ Այն բարձրացրեց հայ ժողովրդի պայքարի ոգին և ցույց տվեց, որ նա գիտի պաշտպանել իր մարդկային ու ազգային արժանապատվությունը, դերադասում է մեռնել պատենշների վրա, քան հանձնվել հակառակորդի ողորմածությանը։ Այն ապացուցեց, որ կարելի է փրկվել անգամ ահեղ թշնամու կոտորածներից, եթե համախմբվեն, միավորվեն, կազմակերպվեն ու Վճռական պայքար վարեն նրա դեմ։ Վանեցիների օրինակը թերևս օգնեց արևմտահայերին, որ նրանք երկրի մի շարք շրջաններում ևս ակտիվ կերպով դիմագրավեն թուրքական ջարդարարներին ու որոշ չափով ապաստվեն բնաջնջումից։ Վանի հերոսամարտի շնորհիվ կոտորածներից փրկվեցին 150 հազարից 200 հազար հայեր, որոնց մեծ մասը, հաստատվելով Արևելյան Հայաստանում, հետագայում դարձավ Սովետական Հայաստանի սոցիալիստական շինարարության ակտիվ մասնակիցը։

<sup>74</sup> Հ. Երամյան. Հուշարձան Վան-Վասպուրականի. հ. Բ, Աղեքսանդրիա, 1929, էջ 324։

## ГЕРОИЧЕСКОЕ СОПРОТИВЛЕНИЕ ВАНА В 1915 ГОДУ

Доктор ист. наук А. С. АМБАРЯН

## Резюме

Весною 1915 г., когда правительство младотурков начало массовое избиение армян в Османской империи, население города Вана, объединившись, с 7 апреля по 5 мая 1915 г. оказывало погромщикам организованное сопротивление. Благодаря этому сопротивлению и своевременной помощи русской армии и армянских добровольческих отрядов оно спаслось от неминуемого физического уничтожения. Героическое сопротивление Вана—одна из ярких страниц в многовековой истории освободительной борьбы армянского народа.